

CABINET

Cofnodion cyfarfod o'r Cabinet a gynhaliwyd yn Ystafell Bwyllgora 1a, Neuadd y Sir, Rhuthun, Dydd Mawrth, 30 Medi 2014 am 10.00 am.

YN BRESENNOL

Y Cyngorwyr: Hugh Evans, Arweinydd ac Aelod Arweiniol dros Ddatblygu Economaidd; Bobby Feeley, Aelod Arweiniol dros Wasanaethau Gofal Cymdeithasol, Oedolion a Phlant; Hugh Irving, Aelod Arweiniol dros Gwsmeriaid a Chymunedau; Huw Jones, Aelod Arweiniol dros Hamdden, Ieuenctid, Twristiaeth a Datblygu Gwledig; Barbara Smith, Aelod Arweiniol dros Foderneiddio a Pherfformiad; David Smith, Aelod Arweiniol y Parth Cyhoeddus; Julian Thompson Hill, Aelod Arweiniol dros Gyllid ac Asedau; ac Eryl Williams, Dirprwy Arweinydd ac Aelod Arweiniol dros Addysg.

Yn Gwyllo: Y Cyngorwyr Ray Bartley, Richard Davies, Martyn Holland, Huw Hilditch-Roberts, Dewi Owens, Arwel Roberts, David Simmons a Joe Welch

HEFYD YN BRESENNOL

Y Prif Weithredwr (MM); Cyfarwyddwr y Gwasanaethau Cymdeithasol (NS); Penaethiaid Gwasanaeth: Y Gyfraith, Adnoddau Dynol a Gwasanaethau Democrataidd (GW), Cyllid ac Asedau (PMc), Addysg (KE), Cwsmeriaid a Chymorth Addysg (JW); Rheolwr Gwarchod y Cyhoedd (EJ); Rheolwr - Swyddfa Rhaglen Gorfforaethol (KA); Swyddog Gwella Gorfforaethol (NK), a Gweinyddwr y Pwyllgor (KEJ)

1 YMDDIHEURIADAU

Ni chafwyd unrhyw ymddiheuriadau.

2 DATGAN CYSYLLTIAD

Datganodd y Cyngorwyr Richard Davies, Huw Hilditch-Roberts, Huw Jones, Martyn Holland, Dewi Owens, David Simmons, Julian Thompson-Hill a Joe Welch gysylltiad personol yn Eitem 5 ar yr Agenda.

3 MATERION BRYD

Ni chafwyd unrhyw faterion bryd.

4 COFNODION

Cyflwynwyd cofnodion cyfarfod y Cabinet a gynhaliwyd ar 29 Gorffennaf 2014

PENDERFYNWYD y dylid cymeradwyo cofnodion y cyfarfod a gynhaliwyd ar 29 Gorffennaf 2014 fel cofnod cywir ac y dylai'r Arweinydd ei lofnodi.

5 POLISI CYMHWYSTER CLUDIANT O'R CARTREF I'R YSGOL

Cyflwynodd y Cyngorydd Eryl Williams, Aelod Arweiniol Addysg adroddiad (copi'n amgaeedig) yn gofyn am gymeradwyaeth y Cabinet i weithredu manau codi ar gyfer disgyblion ysgolion uwchradd ac i egluro'r polisi presennol.

Darparwyd ychydig o gefndir i'r adroddiad ynghyd ag eglurhad o'r broses ymgynghori a'r amserlenni i'w gweithredu. Diolchodd y Cyngorydd Williams i ymatebwyr i'r ymgynghoriad am eu cyfraniad. Mae'r holl ymatebion wedi'u hystyried yn ofalus ac mae'r prif faterion a godwyd wedi cael sylw yn yr adroddiad.

Ystyriodd y Cabinet i weithredu manau casglu canolog ar gyfer disgyblion ysgolion uwchradd a fyddai'n cynhyrchu arbedion o tua £272k a nodwyd bod adborth wedi bod yn gadarnhaol ar y cyfan yn dibynnu os oedd y prosesau asesu risg perthnasol yn eu lle. Canolbwyntiodd y Cabinet hefyd ar ganlyniad gorfodi'r polisi newydd i gael gwared ar anghysondebau hanesyddol yn y broses cymhwyster ynghyd â'r pryderon a godwyd fel rhan o'r broses ymgynghori, gan gydnabod ei fod yn fater cymhleth iawn. O ganlyniad, gofynnodd yr aelodau gwestiynau yn ogystal â cheisio cael sicrwydd ynghylch materion penodol a godwyd er mwyn bodloni eu hunain bod y cynigion a gafwyd yn yr adroddiad yn cynrychioli'r ffordd orau ymlaen.

Canolbwyntiodd prif rannau'r drafodaeth ar y canlynol -

- cydnabuwyd bod unrhyw arbedion a gynhyrchir yn gweithredu manau casglu canolog yn mynd i'r afael â'r gorwariant presennol yn y gyllideb cludiant ysgol yn unig ac ni fyddai'n dod i rym tan fis Medi 2015 – o ystyried y sefyllfa ariannol bresennol sydd ohoni byddai adrannau anstatudol eraill o'r polisi yn debygol o fod yn amodol i adolygiad yn y dyfodol
- eglurwyd bod anghysondebau wedi'u creu dros nifer o flynyddoedd oherwydd y diffyg eglurder yn y polisi gyda swyddogion wedi cymryd ymagwedd bragmatig a rhesymol i geisiadau, ond mae'r costau cynyddol a diffyg eglurder yn golygu bod angen adolygiad i fynd i'r afael â'r materion hynny – roedd aelodau'n cydnabod bod yna angen am bolisi clir a chryno i sicrhau dull cyson ar draws Sir Ddinbych a chydardoldeb i bob disgybl
- dywedodd y swyddogion er mwyn bod yn gymwys am gludiant ysgol am ddim roedd y pellter rhwng y cartref a'r ysgol yn cael ei gyfrifo gan ddefnyddio ffyrdd dosbarthiadol - cydnabuwyd o bosib na fyddai'r llwybr mwyaf uniongyrchol yn cael ei ddefnyddio i gludo disgyblion yn dibynnu ar y nifer a lleoliad y disgyblion eraill i gael eu cludo a chan gymryd i ystyriaeth y llwybr mwyaf diogel, a dyna pam mae anghysondeb lle mae'r man codi ar gyfer disgyblion yn nes i ysgol wahanol na'r un y maent yn ei fynychu - efallai y bydd achlysuron pan ei fod yn fwy cost-effeithiol i ddarparu cludiant i ysgol arall a'r hawl i ddefnyddio disgresiwn yn yr amgylchiadau penodol hynny wedi cael ei gynnwys yn y polisi hwn
- nododd yr aelodau bryderon rhieni yn ardal Saron lle byddai gorfodi'r polisi yn effeithio'r arw ar eu plant ac er y cafodd y posibilrwydd o ysgolion sy'n bwydo gael ei grybwyll cydnabuwyd mai'r dull o gyfrifo cymhwyster o'r cartref i'r ysgol yn hytrach na ysgol i ysgol a ddefnyddiwyd ac ni fyddai'n gyfreithlon i wneud eithriad i'r polisi ar gyfer un ysgol neu ardal benodol
- dangosol yn unig oedd y rhestr o fannau codi yn y polisi drafft ar hyn o bryd a byddai'n amodol ar asesiadau risg a wnaed yn unol â'r Mesur Teithio i Ddysgwyr (Cymru) – darparodd swyddogion fanylion penodol am y broses

asesu risg a rhoi sicrwydd bod y ffordd rhwng Saron a Chyffylliog (a oedd wedi bod yn destun pryder penodol) ddim yn cael ei ddefnyddio gan fysiau ysgol ac yn amodol ar asesiad risg ar gyfer tacsis

- cafwyd cefnogaeth i'r argymhelliad i barhau i ddarparu cludiant am ddim i ddisgyblion presennol yr effeithir arnynt fel nad yw'n tarfu ar eu haddysg tra'n cydnabod y byddai'r cyfnod pontio yn parhau am nifer o flynyddoedd ac yn arwain at anghyfartaledd yn ystod y cyfnod hwnnw, yn enwedig ar gyfer brodyr a chwiorydd
- byddai cludiant rhatach ar gael am flwyddyn ar gyfer y disgyblion hynny a ddewisodd i beidio â mynychu eu hysgol addas agosaf yn amodol ar leoedd dros ben ar gael a chodir tâl rhesymol i dalu costau gweinyddol
- mae nifer o ymatebion i'r ymgynghoriad yn ymwneud â darpariaeth Cyfrwng Cymraeg a'r farn y dylai ysgolion categori 1 gael eu trin fel yr unig ddewis cyfrwng Cymraeg wrth asesu hawl am gludiant - mae'r polisi presennol yn cynnwys ysgolion categori 1 a 2 ac felly byddai newid o'r fath yn cael dylanwad arwyddocaol ar y niferoedd ar y gofrestr yn y dyfodol a chostau cludiant. Argymhellwyd bod y categoreiddio iaith ym mhob ysgol yn cael eu hadolygu a bod swyddogion yn adrodd ar y broses categoreiddio a chyflwyno'r cwricwlwm – cytunodd Cabinet y dylid llunio amserlen ar gyfer y broses hon
- ystyriwyd y broses ymgynghori gan graffu a ddaeth o hyd, er y gallai'r ymgynghoriad wedi bod yn fwy trylwyr, ei bod yn annhebygol y byddai unrhyw faterion newydd wedi codi - cytunodd y swyddogion i edrych i mewn i hepgor Cyngor Gwynedd o'r rhestr o randdeiliaid a chywiro'r mater
- roedd swyddogion yn cydnabod y dylai rhieni fod yn ymwybodol o'r cymhwyster cludiant ysgol am ddim yn gynnar er mwyn iddynt wneud dewisiadau gwybodus a chynghorwyd lle y byddai darpariaeth arall yn gweithio allan i fod yn fwy cost effeithiol na'r hyn a nodwyd yn y polisi y byddai pob achos yn cael ei ystyried yn ôl ei rinweddau ei hun.

Darparodd Cadeirydd y Pwyllgor Craffu Cymunedau, y Cynghorydd Huw Hilditch-Roberts drosolwg o'r ddadl craffu ar y materion a'r canfyddiadau a oedd wedi eu crynhoi ym mharagraff 8.2 o'r adroddiad. Tynnodd sylw hefyd at yr angen i ehangu cwmpas yr adolygiadau o ddarpariaeth cludiant ysgol yn y dyfodol.

Adroddodd y Cynghorydd Joe Welch y byddai ei ward yn cael ei heffeithio'n arbennig o weithredu'r cais yn llym a thynodd sylw at ei bryderon yn hynny o beth. Gwrthwynebodd y dull llinell galed i weithredu'r polisi ac adroddodd ar ymchwil a wnaeth i mewn i bolisiâu a fabwysiadwyd gan awdurdodau lleol eraill yng Nghymru. O ganlyniad, fe ofynnodd i ystyriaeth gael ei roi i addasu'r polisi i gwrdd ag anghenion cymunedau unigol yn y sir a fyddai yn ei farn ef yn dal i arwain at arbedion yn y gyllideb cludiant ysgol.

Ystyriodd y Cabinet er y gall dull penodol fod o fudd i un ardal efallai na fyddai gystal ar gyfer y sir gyfan. Fodd bynnag, yn sgil y pryderon a godwyd, cytunwyd bod adolygiad o effaith y polisi yn cael ei gynnal ar ôl ei weithredu.

PENDERFYNWYD bod y Cabinet yn -

- (a) *cytuno i ddiwygio'r polisi presennol i gyflwyno manau codi canolog ar gyfer pob disgybl ysgol uwchradd;*

- (b) *nodi'r polisi llawn yn Atodiad 1 o'r adroddiad sy'n gryno yn darparu cludiant am ddim i'r ysgol uwchradd briodol agosaf o fan codi dynodedig;*
- (c) *caniatáu i ddisgyblion ysgolion uwchradd presennol i barhau i gael mynediad i gludiant am ddim am weddill eu bywyd ysgol statudol o fan codi canolog;*
- (d) *nodi nad oes unrhyw newid i gludiant ar gyfer disgyblion ysgolion cynradd;*
- (e) *cytuno bod yr argymhellion uchod yn cael eu rhoi ar waith ar unwaith yn unol â rheolau trefn galw y Cyngor sydd wedi'u cynnwys yn y cyfansoddiad o ganlyniad i'r amgylchiadau a nodir ym mharagraff 4.1 o'r adroddiad;*
- (f) *gofyn i'r Grŵp Strategol Cymraeg mewn Addysg i adolygu'r dull categori iaith ym mhob ysgol yn ystod tymor yr hydref a chyflwyno adroddiad i'r Pwyllgor Archwilio ddechrau gwanwyn 2015, a*
- (g) *gwneud asesiad o effaith yr adolygiad o'r polisi a'i gyflwyno i'r Pwyllgor Craffu ar ddiwedd y flwyddyn gyntaf o weithredu.*

6 DEDDF A SGORIO HYLENDID BWYD (CYMRU) 2013 - AWDURDOD DIRPRWYEDIG

Fe gyflwynodd y Cynghorydd David Smith yr adroddiad su'n argymell pwerau dirprwyedig ychwanegol ar gyfer Pennaeth Cynllunio a Gwarchod y Cyhoedd dan Ddeddf Sgorio Hylendid Bwyd (Cymru) 2013.

Byddai rhoi pwerau dirprwyedig yn galluogi gorfodi'r ddeddfwriaeth ac yn caniatáu i'r dyletswyddau statudol hynny dan y Ddeddf i gael eu rhyddhau. Cadarnhawyd y dylai bathodyn y System Sgorio Hylendid Bwyd gael ei arddangos eisoes mewn eiddo busnesau bwyd. Talodd yr Arweinydd deyrnged i waith y Tîm Diogelwch Bwyd ar gyfer busnesau sy'n dal i gyfrif a'r cymorth a'r cyngor y maent yn ei ddarparu.

PENDERFYNWYD -

- (a) *bod y pwerau o dan y Ddeddf Sgorio Hylendid Bwyd (Cymru) 2013 ynghyd ag unrhyw reoliadau a wnaed o dan hynny ac unrhyw newidiadau neu ychwanegiadau iddo, a'r holl bwerau perthnasol eraill, gan gynnwys pwerau i gael mynediad o dan ddeddfwriaeth o'r fath yn cael eu dirprwyo i'r Pennaeth Cynllunio a Gwarchod y Cyhoedd, a*
- (b) *bod Pennaeth Cynllunio a Gwarchod y Cyhoedd hefyd yn cael yr awdurdod i ddirprwyo'r pwerau hyn i swyddogion o fewn y gwasanaeth gyda'r cymwyseddau, sgiliau, cymwysterau ac awdurdodiadau perthnasol.*

7 DEDDF RHEOLI CEFFYLAU (CYMRU) 2014 - AWDURDOD DIRPRWYEDIG

Fe gyflwynodd y Cynghorydd David Smith yr adroddiad sy'n argymell mabwysiadu deddfwriaeth newydd sef y Ddeddf Rheoli Ceffylau (Cymru) 2014 a dirprwyo

pwerau ychwanegol i'r Pennaeth Cynllunio a Gwarchod y Cyhoedd. Esboniodd fod y Ddeddf yn rhoi pwerau ychwanegol i awdurdodau lleol i fynd i'r afael â'r materion gadael ceffylau a merlod a phori anghyfreithlon.

PENDERFYNWYD -

- (a) *mabwysiadu Deddf Rheoli Ceffylau (Cymru) 2014 gan yr Awdurdod hwn;*
- (b) *bod y pwerau o dan Ddeddf Rheoli Ceffylau a Merlod (Cymru) 2014 yn cael ei ddirprwyo i'r Pennaeth Cynllunio a Gwarchod y Cyhoedd.*
- (c) *bod yr awdurdod dirprwyedig yn cael ei ddirprwyo yn awtomatig i'r Pennaeth Cynllunio a Gwarchod y Cyhoedd mewn perthynas ag unrhyw Reoliadau dilynol a wnaed o dan y Ddeddf.*

8 DEDDF CARTREFI SYMUDOL (CYMRU) 2013 – AWDURDOD DIRPRWYEDIG

Fe gyflwynodd y Cynghorydd David Smith yr adroddiad sy'n argymhell mabwysiadu deddfwriaeth newydd sef y Ddeddf Cartrefi Symudol (Cymru) 2013 a dirprwyo pwerau ychwanegol i'r Pennaeth Cynllunio a Gwarchod y Cyhoedd. Eglurodd bod y Ddeddf yn rhoi pwerau i Awdurdodau Lleol yng Nghymru i wella rheoleiddio'r diwydiant cartrefi symudol fel bod amodau ar safleoedd cartrefi symudol yn well a bod hawliau trigolion yn cael eu hamddiffyn yn well.

Dywedodd y Cynghorydd Hugh Irving am y problemau a brofwyd gan breswylwyr cartrefi symudol yn ei ward ac am y gobaiith y byddai mabwysiadu'r ddeddfwriaeth newydd yn golygu y byddai'r materion hynny yn derbyn sylw. Ymatebodd Rheolwr Gwarchod y Cyhoedd i gwestiynau ac eglurodd sut y byddai'r broses drwyddedu yn cael ei weithredu a'i reoli er mwyn sicrhau bod safonau'n cael eu bodloni.

PENDERFYNWYD -

- (a) *bod y Ddeddf Cartrefi Symudol (Cymru) 2013 yn cael ei mabwysiadu ar ran y Cyngor;*
- (b) *bod y pwerau o dan Ddeddf Cartrefi Symudol (Cymru) 2013 yn cael eu dirprwyo i'r Pennaeth Cynllunio a Gwarchod y Cyhoedd;*
- (c) *bod awdurdod dirprwyedig yn cael ei ddirprwyo yn awtomatig i'r Pennaeth Cynllunio a Gwarchod y Cyhoedd mewn perthynas ag unrhyw Reoliadau dilynol a wnaed o dan y Ddeddf;*
- (d) *rhoi awdurdod dirprwyedig i osod ffioedd a thaliadau i Bennaeth Cynllunio a Gwarchod y Cyhoedd, a*
- (e) *bod y Pennaeth Cynllunio a Gwarchod y Cyhoedd yn cael ei awdurdodi i ddirprwyo'r pwerau i Swyddogion eraill sydd wedi'u hyfforddi'n briodol ac sy'n gymwys o fewn y Cyngor drwy ddarparu awdurdodiadau perthnasol iddynt.*

Ar y pwynt hwn (11.30am) cafwyd egwyl ar gyfer lluniaeth.

9 ADOLYGIAD PERFFORMIAD BLYNYDDOL 2013/14

Cyflwynodd y Cyngorydd Barbara Smith ddrafft o'r Adolygiad Perfformiad Blynyddol 2013/14 i'r Cabinet i'w ystyried cyn ei gyflwyno i'r Cyngor i'w gymeradwyo.

Mae gofyn i'r Cyngor gyhoeddi Adroddiad Blynyddol ar ei berfformiad erbyn 31 Hydref pob blwyddyn. Darparodd yr Adolygiad Perfformiad Blynyddol werthusiad ôl-weithredol o gynnydd y Cyngor yn ystod 2013/14 a bod trefniadau wedi'u gwneud i sicrhau gwelliant parhaus. Ar y cyfan yr oedd yn adroddiad cadarnhaol ac roedd yn galonogol nodi'r gwelliannau a wnaed mewn meysydd penodol.

Trafodwyd y materion canlynol:-

- roedd problemau gyda echdynnu data o'r System Rheoli Cyswllt Cwsmer (RhCC) a chafodd dangosyddion eu hadolygu o ganlyniad – roedd llawer o'r gwaith yn mynd rhagddo er mwyn moderneiddio a gwella'r broses a gwnaed achos busnes ar gyfer RhCC newydd
- cydnabuwyd nad oedd dangosyddion coch o reidrwydd yn achosi pryder a bu'n rhaid eu hystyried mewn cyd-destun, roedd yr enghreifftiau a ddarparwyd yn cynnwys amseroldeb cyfarfodydd grŵp craidd yn dilyn cynadleddau amddiffyn plant a nifer y diwrnodau/shifftiau gwaith a gollwyd oherwydd absenoldeb salwch - cytunwyd darparu'r cyd-destun hwn yn y crynodeb canlyniadau yn adroddiadau'r dyfodol
- adroddodd y swyddogion ar y broses ar gyfer pennu dangosyddion a throthwyon gan ystyried data cenedlaethol a'r lefelau a'r blaenoriaethau ar gyfer y Cyngor
- nid oedd yn glir yn y ddogfen fod y saethau yn dynodi tuedd o welliant/dirywiad a chytunodd yr aelodau bod yr eglurhad hwn yn cael ei ddarparu mewn adroddiadau yn y dyfodol er mwyn osgoi dryswch
- o ran canlyniad 7 - byddai myfyrwyr yn cyflawni eu potensial, fe adroddodd y Cyngorydd Eryl Williams ar y canlyniad eleni a oedd yn dangos ychydig o welliant ar gyfer Sir Ddinbych. Atgoffodd yr aelodau bod Sir Ddinbych wedi dechrau o sylfaen dda a bod strategaeth yn ei le i herio a gwella canlyniadau ar gyfer y blynyddoedd i ddod.

Fe ystyriodd y Cabinet hefyd sut y byddai'r toriadau sylweddol yn y gyllideb sy'n wynebu'r awdurdod yn effeithio ar berfformiad yn y dyfodol ac a oes angen adolygu'r dangosyddion o ganlyniad i hynny. Dywedodd y Prif Weithredwr am yr angen i wneud penderfyniadau ymwybodol ynglŷn â pha adrannau y byddai'r Cyngor yn fodlon derbyn gostyngiad mewn perfformiad ond cynghorwyd yn erbyn adolygu dangosyddion tuag i lawr, gan ychwanegu y dylai'r Cyngor ymdrechu i gadw ei safle fel y gorau yng Nghymru. Adroddodd am waith i alinio proses y gyllideb gyda'r broses o reoli perfformiad yn ei le i olrhain effaith y penderfyniadau hynny. Ar ôl cwblhau hynny byddai'r gwaith hwn yn cael ei gyflwyno i'r aelodau.

Dywedodd y Cyngorydd Barbara Smith y byddai Chwarter 2 o'r Adroddiad Perfformiad yn cael ei gynhyrchu ym mis Tachwedd ac yn cael ei gyflwyno i'r Cabinet i'w ystyried.

PENDERFYNWYD –bod drafft Adolygiad Perfformiad Blynyddol 2013/14 yn cael ei gyflwyno i'r Cyngor Sir i'w gymeradwyo.

10 ADRODDIAD BLYNYDDOL RHEOLI TRYSORLYS 2013/14

Fe gyflwynodd y Cyngorydd Julian Thompson-Hill adroddiad yn diweddarau'r Cabinet ar berfformiad y swyddogaeth rheoli trysorlys a dangos cydymffurfriad y Cyngor â chyfyngiadau'r trysorlys a'r Dangosyddion Darbodus yn ystod 2013/14.

Wrth grynhoi'r adroddiad fe esboniodd y Cyngorydd Thompson-Hill ei bod yn ddogfen hanesyddol a thynnodd sylw'r aelodau at y prif bwyntiau o ran benthyca a gweithgarwch buddsoddi yn ystod 2013/14 ac ymhelaethodd hefyd ar nifer o ddangosyddion darbodus allweddol. Fe dynodd y Pennaeth Cyllid ac Asedau (HFA) sylw at yr ansicrwydd yn y sector yn ariannol a chyfeiriodd at y strategaethau a ddefnyddir i reoli'r risgiau hynny a'r angen i edrych ar fuddsoddiadau eraill yn y dyfodol. Mewn ymateb i gwestiwn ynghylch ail-ariannu dyled fe eglurodd y Pennaeth Cyllid ac Asedau ers cyflwyno cosbau mawr gan y llywodraeth nid yw bellach yn opsiwn ymarferol.

PENDERFYNWYD bod Adroddiad Rheoli Trysorlys Blynyddol ar gyfer 2013/14 yn cael ei nodi.

11 ADRODDIAD CYLLID

Cyflwynodd y Cyngorydd Julian Thompson-Hill, adroddiad yn rhoi manylion ynglŷn â'r sefyllfa ariannol ddiweddaraf a'r cynnydd a wnaed yn erbyn y strategaeth gyllidol y cytunwyd arni. Rhoddodd y crynodeb canlynol o sefyllfa ariannol y Cyngor-

- rhagwelwyd gorwariant net ar y gyllideb refeniw o £114k ar gyfer cyllidebau gwasanaeth a chorfforaethol
- cytunwyd ar arbedion o £7.1m fel rhan o'r gyllideb ac ar hyn o bryd ystyrir bod y rhain wedi eu cyflawni
- amlygwyd y prif amrywiadau eraill o gyllidebau neu dargedau arbedion sy'n berthnasol i feysydd gwasanaeth unigol, a
- diweddariad cyffredinol ar y Cynllun Cyfalaf Tai a'r Cyfrif Refeniw Tai.

Gofynnwyd hefyd i'r Cabinet gymeradwyo'r Cronfa wrth gefn ar gyfer Newid Offer i Wasanaethau Hamdden a throsglwyddo £30k i'r Gronfa Gwasanaeth Crwner.

Tynnodd y Cyngorydd Hugh Irving sylw at y posibilrwydd o ostyngiad mewn incwm parcio o ystyried y ddarpariaeth parcio am ddim ym Mharc Prestatyn. Tynnodd sylw at y problemau sy'n gysylltiedig â pharcio ceir yn anghyfrifol a bod angen mynd i'r afael â'r broblem. Cytunodd y Cyngorydd David Smith bod lle i wella gan ddweud y byddai'r wardeiniaid traffig yn cael eu defnyddio ar ddiwrnodau afreolaidd gydag oriau amrywiol ac y byddai'n cadw llygad barcud ar y mater. Teimlai'r Cyngorydd Eryl Williams fod angen presenoldeb dyddiol mewn trefi ac

awgrymodd dull partneriaeth gyda chynghorau tref i fynd i'r afael â'r mater a fyddai hefyd yn darparu incwm. O ran balansau ysgolion fe atgoffodd y Cynghorydd Williams yr aelodau nad oedd gan y Cyngor unrhyw reolaeth dros y ffordd y byddai'r cyllid hynny'n cael ei wario. Mewn ymateb i gwestiwn gan y Cynghorydd Bobby Feeley ynghylch y Gronfa Gofal Canolraddol fe gynghorodd y Cyfarwyddwr Gwasanaethau Cymdeithasol eu bod yn disgwyl cadarnhad ynghylch a fyddai'r grant yn cael ei ymestyn.

PENDERFYNWYD bod y Cabinet yn -

- (a) *nodi'r cyllidebau a bennwyd ar gyfer 2014/15 a'r cynnydd yn erbyn y strategaeth y cytunwyd arnynt ar gyfer y gyllideb;*
- (b) *cymeradwyo creu Cronfa ar gyfer Newid Offer ar gyfer Gwasanaethau Hamdden gan nodi y byddai dyraniadau i'r gronfa wrth gefn yn amodol i gymeradwyaeth pellach gan y Cabinet, a*
- (c) *cymeradwyo trosglwyddo £30k i Gronfa Gwasanaeth y Crwner a fydd yn helpu i hwyluso gostyngiad yn y gyllideb yn y blynyddoedd i ddod.*

12 RHAGLEN GWAITH I'R DYFODOL Y CABINET

Cyflwynodd y Cynghorydd Hugh Evans y Rhaglen Gwaith i'r Dyfodol i'r aelodau ei ystyried ac fe nododd yr aelodau nifer o eitemau ychwanegol i'w cynnwys.

PENDERFYNWYD nodi Rhaglen Gwaith i'r Dyfodol y Cabinet.

Daeth y cyfarfod i ben am 12.30 pm.